

პროექტი შესაძლებელია დაზუსტდეს ხელშეკრულების გაფორმების დროს

ხელშეკრულება სახელმწიფო შესყიდვების შესახებ N20
(ელექტრონული ტენდერი NAT2000)

ქ. თბილისი

2021 წელი

ერთი მხრივ, ა(ა)იპ „მუნიციპალური სერვისების განვითარების სააგენტო“ (ს/ნ 405026877) (შემდგომში შემსყიდველი), წარმოდგენილი მისი თავმჯდომარის ----- სახით და მეორე მხრივ, (ს/ნ) (შემდგომში მიმწოდებელი) წარმოდგენილი მისი სახით, ცალ-ცალკე „მხარე“, ორივე ერთად წოდებული როგორც „მხარეები“, ვმოქმედებთ, რა საქართველოს მოქმედი კანონმდებლობის და „სახელმწიფო შესყიდვების შესახებ“ საქართველოს კანონის შესაბამისად, ვთანხმდებით შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს მომსახურებას ხელშეკრულების ფარგლებში.
- 1.6. „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ - სატენდერო დოკუმენტაციით განსაზღვრული ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

ა(ა)იპ „მუნიციპალური სერვისების განვითარების სააგენტოს“ მიერ „საფოსტო საკურიერო მომსახურების“ (CPV 64100000; 64110000) შესყიდვა.

3. ხელშეკრულების ღირებულება

- 3.1. ხელშეკრულების ღირებულება შეადგენს: () ლარს;
- 3.2. ხელშეკრულების ღირებულება შეიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.
- 3.4 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები

შემსყიდველისთვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4. მომსახურების გაწევის პირობები

4.1. მიმწოდებელი ვალდებულია: ა(ა)იპ „მუნიციპალური სერვისების განვითარების სააგენტოს“ გაუწიოს მომსახურება ტექნიკური დავალებისა და დანართი №1-ის (ფასების ცხრილი) შესაბამისად.

4.2. მიმწოდებელი უფლებამოსილია შემსყიდველს მოსთხოვოს ხელშეკრულებით ნაკისრი ვალდებულებების შესრულება;

4.3. შემსყიდველი ვალდებულია განახორციელოს წინამდებარე ხელშეკრულებით გათვალისწინებული მოთხოვნების დაცვით გაწეული მომსახურების ღირებულების ანაზღაურება;

4.4. შემსყიდველი უფლებამოსილია:

ა) მიმწოდებლისგან მოითხოვოს მომსახურების გაწევა ხელშეკრულებით გათვალისწინებულ დროსა და ადგილას;

ბ) შეამოწმოს მოსახურების გაწევის ხარისხი.

4.5. მომსახურება უნდა განხორციელდეს სატენდერო დოკუმენტაციის მოთხოვნების 1.2 პუნქტის - ტექნიკური დავალებისა და ფასების ცხრილი დანართი N1-ის მიხედვით (ორივე დანართი თან ერთვის ხელშეკრულებას).

5. მიღება-ჩაბარების წესი და ხელშეკრულების შესრულების კონტროლი

5.1. მომსახურების გაწევა დასტურდება შესაბამისი მიღება-ჩაბარების აქტით, რომელსაც ადგენენ და ხელს აწერენ მხარეთა უფლებამოსილი წარმომადგენლები, ყოველთვიურად, ფაქტიურად შესრულებული მომსახურების შესაბამისად;

5.2. შემსყიდველის მხრიდან მიღება-ჩაბარების აქტზე ხელმოწერის უფლებამოსილება ენიჭება ა(ა)იპ „მუნიციპალური სერვისების განვითარების სააგენტოს“ (თანამდებობა; სახელი და გვარი).

5.3. შემსყიდველი უფლებამოსილია, საჭიროების შემთხვევაში ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულების და ხარისხის კონტროლი, აღნიშნულს განახორციელებს ა(ა)იპ „მუნიციპალური სერვისების განვითარების სააგენტოს“ (თანამდებობა; სახელი და გვარი).

6. ანგარიშსწორების ფორმა და ვადები

6.1. ფაქტობრივად გაწეული მომსახურების ანაზღაურება განხორციელდება ეტაპობრივად, ყოველთვიურად, მიღება-ჩაბარების აქტის წარმოდგენის თარიღიდან არაუგვიანეს 10 სამუშაო დღის ვადაში;

6.2. ანგარიშსწორების ვალუტა - ლარი;

6.3. ანგარიშსწორების ფორმა - უნაღდო.

6.4. შემსყიდველი არ იღებს მომსახურების სრული მოცულობით დაკვეთის ვალდებულებას.

7. ხელშეკრულების პირობების შეუსრულებლობა

7.1. მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად, ხელშეკრულებით დათქმულ დროსა და ადგილას. მხარეები პასუხს აგებენ ხელშეკრულებით განსაზღვრული პირობების შეუსრულებლობის, არაჯეროვანი შესრულების ან/და დაგვიანებით შესრულებისათვის ხელშეკრულებით და საქართველოს კანონმდებლობით დადგენილი წესით.

7.2. ხელშეკრულებით გათვალისწინებული გზავნილის ჩაბარების ვადების დარღვევის შემთხვევაში, მიმწოდებელს დაეკისრება პირგასამტეხლო ვადის დარღვევით ჩაბარებული გზავნილის/გზავნილების ღირებულების 10% ოდენობით, ყოველ გადაცილებულ დღეზე.

7.3. მიმწოდებლის მიერ ნაკისრი ვალდებულებების სრულად ან ნაწილობრივ შეუსრულებლობის ან/და არაჯეროვნად შესრულების შემთხვევაში მიმწოდებელს დაეკისრება პირგასამტეხლო ხელშეკრულების ღირებულების 1%-ის ოდენობით.

7.4. იმ შემთხვევაში, თუ ვადის დარღვევით ჩაბარებული გზავნილების რაოდენობა, გადააჭარბებს ხელშეკრულებით გათვალისწინებული ჩასაბარებელი გზავნილების რაოდენობის 1%, შემსყიდველი უფლებამოსილია ცალმხრივად შეწყვიტოს ხელშეკრულება ან/და მიმწოდებელს დააკისროს, ხელშეკრულების 7.3. პუნქტით განსაზღვრული პირგასამტეხლო.

7.5. შემსყიდველი პასუხისმგებლობას კისრულობს, ხელშეკრულებით გათვალისწინებული ანგარიშსწორების ვადების დარღვევისათვის, პირგასამტეხლოს სახით მიმწოდებელს გადაუხადოს ვადაგადაცილებული თანხის 0.2%-ის ოდენობით.

7.6. იმ შემთხვევაში, თუ ზედიზედ ორი თვის განმავლობაში მომწოდებლის მხრიდან დაფიქსირდა, ტექნიკური დავალებით განსაზღვრული ვალდებულების შეუსრულებლობა, კერძოდ, გზავნილების ადრესატებთან 100 (ასი) ან მეტი ზარის განუხორციელებლობა, შემსყიდველი უფლებამოსილია მიმწოდებელს დააკისროს პირგასამტეხლო ხელშეკრულების ღირებულების 0.2% ოდენობით, ხოლო განმეორების შემთხვევაში, შემსყიდველი უფლებამოსილია ცალმხრივად შეწყვიტოს ხელშეკრულება ან/და მიმწოდებელს დააკისროს, ხელშეკრულების 7.3. პუნქტით განსაზღვრული პირგასამტეხლო.

7.7. საჯარიმო სანქციით დაკისრებული თანხა გადახდა უნდა განხორციელდეს, სანქციის დაკისრების შესახებ შეტყობინების გაცნობიდან არაუგვიანეს 5 (ხუთი) კალენდარული დღის ვადაში, წინააღმდეგ შემთხვევაში შემსყიდველი უფლებამოსილია ზემოაღნიშნული სანქციით დაკისრებული თანხა გაქვითოს ანგარიშსწორებისას.

7.8. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

8. ხელშეკრულებაში ცვლილება

8.1. ხელშეკრულების ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე;

8.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, არაუმეტეს ხელშეკრულების თავდაპირველი ჯამური ღირებულების 10%-ისა. გარდა

საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების გადასინჯა ხდება საქართველოს კანონმდებლობით დადგენილი წესით;

8.3. მხარეების მიერ წინამდებარე ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რის შესახებაც არანაკლებ 5 კალენდარული დღით ადრე წერილობითი ფორმით ან კომუნიკაციის ელექტრონული საშუალებების გამოყენებით უნდა შეატყობინოს მეორე მხარეს;

8.4. ხელშეკრულება შეიძლება ასევე შეწყდეს მხარეთა ურთიერთშეთანხმების საფუძველზე.

9. ფორს-მაჟორი

9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

9.2. ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

10. ხელშეკრულების მოქმედების ვადა

წინამდებარე ხელშეკრულება ძალაში შედის ხელმოწერის დღიდან და მოქმედებს 2022 წლის ჩათვლით.

11. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. სხვა პირობები

წინამდებარე ხელშეკრულება შედგენილი და ხელმოწერილია „ელექტრონული დოკუმენტისა და ელექტრონული სანდო მომსახურების შესახებ საქართველოს კანონის შესაბამისად“.

13. მხარეთა რეკვიზიტები:
მიმწოდებელი:

შემსყიდველი:

ა(ა)იპ „მუნიციპალური სერვისების განვითარების
სააგენტო“ შპს „

მისამართი: ქ. თბილისი, მიცვევიძის N29-29 ა მისამართი: N

ს/ნ 405026877

ს/ნ

საბანკო რეკვიზიტები:

საბანკო რეკვიზიტები:

სახელმწიფო ხაზინა

სს "

ბანკის კოდი TRESGE22

ბანკის კოდი

ა.ა. 741873459

აა

თავმჯდომარე

დირექტორი
